



QUÆSTIO MEDICA,

CARDINALITIIS DISPUTATIONIBUS,
manè discutienda, in Scholis Medicorum, die Jovis
vigesima-octava Martii.

M. MATTHÆO THUILLIER,
Doctore Medico, Præfide.

An potus Café, cum lacte salubrior?

I.

HOMINIS moles, tot admiranda functionibus, quot machinis instructa, sicut adaugetur incremento, & sensim recititur; ita diminutione deperit, ac in dies extenuatur. Suarum vicissitudinum causas sentit domesticas, peregrinas: quæ impellendo, urgendo ve, fluida sic agunt in vortices; ut conservandæ moli, adjiciendo, provideant; aut, solida depascendo, depopulentur & vastent. Hinc quicquid staturæ ac vitæ detrahatur; id per alimenta utcumque reponitur. Horum perennis necessitas institorem habet exquisitissimum tactum, famis atque sitis stimulis identidem irritandum. Mirum, quot & quantis necessitati illi faciat lurco, gurges atque heluo? Eleganter esurit: sitit pretiosius. Quoscunque cibos iniquo ille commiscet connubio: vina generosissima, quæ moderatè pota obfirmandæ moli servant, exanimare perniciosè doctus; ab illis, igne tortore, extorquet, unde titilletur acrius, deteratur, ac subdolè corrumpatur. Hinc tam diversæ *ficci, meracioris, feniculati*, liquorum ardentium species, tam frequentes æconomix corporeæ pestes. Mas sit, an fœmina; causarius, firmus; Gallus an Arabs: perinde est: pestes illas avidissimè helluatur. Suum pariter *Cacao* urit; suum torret *Café*: & ab hoc coquendi ille artifex elicit, unde quæsitæ siti blandiatur jucundissimè. I nunc sapiens, & pallidus suda; ut vivendi normam luri conii illi impares utilem. Si vis tamen gliscenti huicce *Café* abusui utcumque mederi: decoquendo *Café* id assigna menstruum, quod ipsius emendare vitia, ac commendatissimas qualque dotes sorbenti, sine ullâ stomachi noxâ secum apportare valeat.

I N T E R P O L A T A viventis refection, est continuata quædam partium reproductio. Erraret tamen, qui deperditam harum substantiam ad amissum assimilari posse contenderet. Sux sunt cuique mixtæ particule, quoad figuram & numerum singulariter designatæ. Has, quia perpetuum disfluunt, per convenientes analogas feliciter instaurabis. *Conveniens enim cum conveniente cohaeret.* Porro id alimentum dicitur, quod [ut habitudinem decet] molitum, digestum, ac poris vacuis, impellente spiritu, incuneatum, defectam partem quodam modo supplet. Remota alimenti materia, è vegetantium, aut animantium promodo condo, nascitur spontanea, vel arte conficitur: Ars tota naturæ seruit, cum miscet *ομοιόγενα*, non turdis conchylia. Numerosæ si quidem intus in ventriculo glandulæ liquore subtili & spirituofo extillant; è chyli moleculis, non ita pridem subactis, residuo. Hæc multi-generes, ex mutuo quod iisdem cum sanguine fuerat commercio, vitalitate donatæ, menstrui nobilissimi indolem induunt, atque vim solvendi alimenta, suis figuris accommodata, mirabilem nanciscuntur. Enim vero, si familiare, & ex illis quæ sese invicem contemperant, esculentum, potulentum ve oggeras; id genus fermentum sice in illius irruiet vacuola; ut sine tumultu minima disjungat à minimis, spirituofo à feculentis, & ab inutilibus utilia; verbo dicam, chyli pretiosum laticem, disjungendo, extrahat. Verum, si ad commiscendi, inacerandi, coquendique esculenta, potulenta ve methodum animum adducas tuum; non unâ ratione vinces: refectionem molis corporeæ non magis solventi alimenta menstruo, quàm his crudité præparatis, debere acceptam.

I I I.

E T revera, ad refectionem duo concurrunt imprimis necessaria; rei nempe, quæ alimentum futurum est, iusta simplexque præparatio; atque, ut in alimoniam cedat, peculiaris ejusdem rei in ventriculo subactio. Hinc, qui triticum tundit, aquâ fermentoque macerat, ut illud ad molliitudinem coquat; is nequaquam famulatur usui, at rationi auscultat; & qui hordeum, fontem, tempestatemque, ad cervisiam genuina, discernit, ac adjectis veteris cervisix facibus, & floribus lupuli, recentis cervisix cruditatem edomat; idem naturæ imitator sedulus, & curiosus artis sectator, potionis genus sibi decoquit levitate ac salubritate gratissimum. Fontes petrosi, frigidi, indomabiles indurant legumina; quæ ad putrilaginem pessundarent thermæ & lutulenti: hæc per fontem mediæ sortis gnæviter peritus emollit. *Cassé* semen exoticum, ex quo potus indigenis saluber, principis constat pernicibus, fixis, crasso ac copioso phlegmate tenaciter catenatis. Semen ejusmodi, crudis ac obstructionibus gignendis apertissimum, ægrè ad tuos usus accomodes: tam intricatæ ipsi intrinsecus hærent nutriciae ac balsamicæ dotes. Neque tibi sat actum

puta, si ipsius *Casé* pugiles, torrendo, evolueris; pernicipitati nativæ penitus restitueris; abstrusasque ipsorum dotes, egregiè explicaveris: longè supersunt plura, quæ in illius. usu explores; ut potum ab eodem extrahas vulgari salubriorem. Summa nimirum evolutorum principiorum coerenda mobilitas: figuræ multiplex emendanda inconcinnitas: ac demùm amaritudo insolens, aquæ nullius commercio artificiosè edulcanda. Opus negotiosum sanè: à quo tamen te consultò expeditas; si torrefactum tritumque *Casé* cum lacte recenti diluas, atque unà leviter ac igne molli decoquas.

I V.

CHYLUS, candore & sapore singulari spectabilis, per mammarias glandulas transcolatione secretus, salinisque ac spirituosus sanguinis, quem alluendo præterfluit, particulis promiscuè temperatus, lac animalium est, lactentis & ablactati alimentum proximum. Substantiam habet terrestrem, sulphuream; & utramque, ne in coagulum abeant, salina, sero diluta uberrimo, indesinenter exagitat. Lac sic comparatum, amarulentas noxiasve *Casé* moleculas occultâ suâ aciditate contemperare mirabiliter habile; salinas illius fugaces & actuosas, quæ, dum spiritus animales miris impellunt modis, vigilias invehunt, & hystericos motus irritant, exasperant, amicâ velut compede vincit per butyrosas & caseosas, quibus dives est, particulas. Hinc *Casé* potus cum lacte firmat benè habitos, asthmaticos liberat, redintegrat phthisicos, melancholicos recreat, calculosos sublevar, renovat defectos, fastidiosos demùm ad appetentiam provocat, reseræ obstructos, sterilesque fecundat. Has *Casé* potus cum lacte commendatissimas dotes nullus, putem, demitaberis; qui ex analysi syntetive chymicâ intelligis, rerum facultates & vitia ab aquâ, vel iniquâ illarum commistione, esse ubicunque decidua. Contra verò, *Casé* pugiles, si cum aquâ simplici coquas, magis ac magis ejus ope evoluti, stomachi fibras suâ vellunt acrimoniâ; dùmque in abditos ac penetrales sanguinis spirituumque focos, ac in imos artus inconcinni & insociabiles subrepunt, functionum depravant æconomiam, valitudini sensim & sine sensu inferunt noxam. Adultæ quippe *Casé* moleculæ, ut amara solent, poris multifariis instructæ, salinas, sulphureas, quæ utiles sanguinis partes erant, absorbendo, furim abripiunt, secumque per declives urinæ tractus ubertim deturbant.

V.

UT igitur constat hominis molem ex lacte ab initio coalescere, ac per ætates augeri, restitui; eaque, ex quibus *Casé* constaturum est, vires suas cum lacte sociare, ex facili: potionem exutroque attenuatam omni ætati ac sexui, valenti atque infirmo securius propinabis. Quidni? istæ sic unita facultates ambas præcellentes obtinent, sal fugax, fixumque, & balsamicas, quibus abundant, particulas. Hæc aut exhalant suavissimè; ita & spirituosum systema fovent & alunt ala-

criùs, ac munia functionum, si quæ⁴ depravatæ torpent, exuscitant;
habitum corroborant. Mirare, quàm præstantes & robustos homines
ferant orientis plagæ. Eduliis, quæ succo saleque nativo condiuntur,
contenti ut plurimum; potione *Café* cum aquâ decocti, evadunt inedi-
ciæ patientes, durabiles ad laborem, atque ad vigiliam faciles. Nostri
verò, quibus sine cupedia & embammatis optima quævis sordent,
quod allio, sale, pipere aliifve voluptuariis æstuent; mobiles adeo,
adeoque efficaces *Café* stimulos vix impunè ferunt; ni lactis connubio
importunitatem, quam pariunt illi, industriè refrænent. Hinc sedant
viscerum æstus; quoties istæc vigiliis, curis, aut inediæ deprædatione
consumpta, intus allatrant; vel gulâ uberiore gravida, laborem recu-
fant. Si sanguinis penum, ubi languet depauperatus, istâ potione
exhilaras; atque ubi crassus hæret ac lutulentus, incidis, repurgas;
profectò ad mentis & corporis officia melior promptiorque movebe-
ris. At, quod rei colophonem addit, *Café* lactis, si ace scat, emen-
dat vitia; laxam pulmonum compagem suo amarore firmat ac durat,
arctam & astrictam laxat sua dulcitudine; bilis ac urinæ vias aperit;
porò alvum siccam humidat, linit, arque leniter citat.

Ergo Café potus, cum lacte salubrior.

Proponebat Parisiis PETRUS LE TONNELIER,
Novigentinus, Baccalaureus Medicus. A. R. S. H. 1697.

Apud Franciscum Muguet, Regis & Facultatis Medicinæ Typographum.